

Na osnovu člana 11. tačka 1., člana 12. stav 1. tačka 5., a u vezi sa članom 13. Zakona o Komisiji za vrijednosne papire („Službene novine Federacije BiH“, broj 39/98, 36/99 i 33/04) i člana 270. stav 1. tačka c) Zakona o tržištu vrijednosnih papira („Službene novine Federacije BiH“, broj 85/08), Komisija za vrijednosne papire Federacije Bosne i Hercegovine na 281. sjednici, održanoj 12.05. 2010. godine, donijela je

Pravilnik o izmjenama Pravilnika o posredovanju u poslovima s vrijednosnim papirima

Član 1.

U Pravilniku o posredovanju u poslovima s vrijednosnim papirima („Službene novine Federacije BiH“, broj 34/09 i 1/10), u članu 21. stav 1. tačka d) riječi: „opštih uslova poslovanja“ zamjenjuju se riječima: „pravila poslovanja“.

Član 2.

U članu 50. dodaje se novi stav 2. koji glasi:

„(2) Stav 1. ovog člana odnosi se na pravna lica osnovana i registrovana u Bosni i Hercegovini.“

Dosadašnji stav 2. postaje stav 3.

Član 3.

Član 67. mijenja se i glasi:

„(1) Registar je dužan omogućiti vlasniku vrijednosnih papira uvid u račun vrijednosnih papira kod Registra izdavanjem potvrde iz člana 206. Zakona o tržištu vrijednosnih papira ili putem obavještenja.

(2) Potvrda iz stava 1. ovog člana izdaje se na zahtjev vlasnika vrijednosnih papira, a vlasniku se dostavlja na način kojim se osigurava zaštita podataka sadržanih u potvrdi.

(3) Obavještenje iz stava 1. ovog člana izdaje se na zahtjev vlasnika vrijednosnih papira, a odnosi se na podatke iz člana 190. stav 3. Zakona o tržištu vrijednosnih papira i historiju upisa kod Registra. Obavještenje sadrži podatke koje je vlasnik vrijednosnih papira tražio, a ne može sadržavati broj računa i jedinstveni matični odnosno jedinstveni identifikacioni broj vlasnika vrijednosnih papira. Registar opštim aktom uređuje način dostavljanja obavještenja.

(4) Rok za izdavanje potvrde i obavještenja iz st. 1.- 3. ovog člana uređuje se opštim aktom Registra.“

Član 4.

Ovaj pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 01-02-1430/10
Sarajevo, 12.ma2010.godine.

Predsjednik
Komisije za vrijednosne papire
Federacije Bosne i Hercegovine
mr. Hasan Čelam